

II - ARABAKO LURRALDE HISTORIKOAREN TOKI ADMINISTRAZIOA

DONEMILIAGAKO UDALA

2025-2026 ikasturtean euskara ikasteko laguntzen deialdia

Udalbatzak, 2026ko irailaren 7an egindako osoko bilkuran, 2025-2026 ikasturtean euskara ikasteko laguntzak arautzeko oinarriak onetsi zituen.

Bat etorri Dirulaguntzen azaroaren 27ko 38/2003 Lege Orokorraren 9.3 artikulua, Dirulaguntzak arautzen dituen udal ordenantzaren 4.4 artikulua eta Administrazio Prozedura Erki-dearen urriaren 1eko 39/2015 Legearen 45.1 artikulua xedatutakoarekin, argitaratu egiten dira oinarri horiek, guztiek jakin ditzaten.

LEHENENGOA. DEIALDIAREN XEDEA.

Deialdi honen xedea da 2025-2026 ikasturtean euskara ikasteko gastuak ordaintzen laguntzea, udako ikastaroak eta barnetegiak barne (joan-etorrien gastuak, mantenukoak eta ostatukoak izan ezik), euskararen egoera normalizatzeko eta, bereziki, hizkuntza horren ezagutza eta erabilera handitzeko.

BIGARRENA. ONURADUNAK.

Laguntzak eskatzeko honako betekizun hauek bete behar dira:

a) Donemiliagako udalerrian erroldaturik egotea, 2025-2026 ikasturtea hasi aurretik. Baldin eta ikasturtean zehar erroldan baja ematen bada, dirulaguntza erroldaturik emandako denborearen proportzioan emango da.

b) Izena ematean 16 urte baino gehiago izatea.

c) Helduen Alfabetatze eta Berreuskalduntzerako Erakundeak (HABE) onartutako euskaltegiren baten matrikulatuta egotea.

d) Barnetegiren batean ikasiz gero, aurreko betekizuna betetzea. Ikastaroetarako baino ez da emango dirulaguntza. Ostatua eta mantenua ikasleak ordainduko ditu.

e) Hautatutako ikastaroa euskalduntze edo alfabetatze maila baten parekoa izan behar da gutxienez.

f) Gutxienez eskola orduen ehuneko 90era joan behar da edo ikastaroa gainditu.

HIRUGARRENA. AGIRIAK ETA ESKAERAK.

Eskatzaileek agiri hauek aurkeztu behar dituzte:

a) Udalak emandako eskaera orri ofiziala

b) Eskatzailearen nortasun agiriaren fotokopia.

c) Euskaltegiaren agiria, ikastaroaren ezaugarriak (hasiera eta amaiera egunak, asistentziari buruzko datuak, ikastaroa edo ikastaroak gainditu izanaren egiaztagiria...) eta matrikula ordaindu izana egiaztatzen dituenak.

d) Barnetegi batera joanez gero, zentroaren ziurtagirian mantenu, ostatu eta irakaskuntza gastuak banakatu behar dira.

e) Euskaltegiaren agiriak matrikula ordaindu izana egiaztatzen ez badu, bankuaren ziurtagiria, matrikula ordaindu dela egiaztatzen duena.

- f) Langabezian egonez gero, egoera horretan egon deneko aldia egiaztatzen duen agiria.
- g) Lanaldi partzialeko enplegatua izanez gero eta arduraldia % 40 baino gutxiago izanez gero, egoera hori egiaztatzen duen agiria.
- h) Ikasketa ofizialak egiten ari eta 26 urte baino gutxiago izanez gero, ikasketa horiek egin direla egiaztatzen duten agiriak.
- i) Beste erakunde batzuek emandako laguntzen zenbatekoa edo laguntza eskatu izana egiaztatzen duen agiria edo zinpeko adierazpena.

LAUGARRENA. ESKAERAK AURKEZTEKO EPEA ETA LEKUA.

Eskaerak Donemiliagako Udalaren bulegoetan jaso daitezkeen inprimakietan egin behar dira, eta eskatzen diren gainerako agiriekin batera aurkeztu behar dira Donemiliagako udaletxean, 2026ko urriaren 31rako.

BOSGARRENA. AURREKONTU KREDITUA ETA DIRULAGUNTZEN ZENBATEKOA.

Deialdi honen babespean ematen diren laguntzak 2026ko aurrekontu orokorreko 335 48200 partidaren kredituari egotziko zaizkio, zeina 2.000,00 euroz hornituta baitago. Partida hori handitu egin daiteke.

Dirulaguntzaren zenbatekoa honako hauen arabera zehaztuko da, eta kontuan izango da, betiere, aurrekontu kredituaren muga:

a) Eskatzailea langabezian badago ikasturtean zehar, laguntzaren zenbatekoa matrikula osoa izango da (gehienez 600,00 euro eskatzaileko eta urteko). Langabe partzialen kasuan, ikastaroaren iraupenaren % 60 baino gehiago langabezian ematen duen eskatzaileari soilik ordainduko zaio matrikularen guztizkoa. Horiek langabetutzat hartuko dira ikasturteko gehieneko dirulaguntza aplikatzeko garaian, eta, beraz, 600,00 euroko dirulaguntza jaso ahal izango dute gehienez. Gainerako kasuetan, matrikularen % 75eko dirulaguntza aplikatuko da, eta 450 euro izango da gehieneko muga.

b) 2025-2026 ikasturte osoan ikasketa ofizialak egiten arituz gero, eskatzaileak matrikula osoa jasoko du, eta 600,00 euro izango da eskatzaileko eta urteko gehieneko muga.

c) Eskatzailea ez badago langabezian, laguntzaren zenbatekoa matrikularen ehuneko 75 izango da (gehienez 450,00 euro eskatzaileko eta urteko).

d) Ikastaroak irauten duen bitartean, hitzartutakoaren (40 ordu astean) ehuneko 40tik beherako lanaldia duten langile partzialak langabetzat hartuko dira ondorio guztietarako. Gainerako kasuetan, matrikularen ehuneko 75eko dirulaguntza aplikatuko da, eta 450,00 euro izango da gehieneko muga.

SEIGARRENA. BESTE DIRULAGUNTZA EDO LAGUNTZA BATZUEKIKO BATERAGARRITASUNA.

Deialdi honen babesean emandako dirulaguntzak bateragarriak dira beste erakunde publiko edo pribatu batzuek helburu bererako ematen dituzten beste batzuekin, baldin eta gainfinantza-ketarik gertatzen ez bada.

Euskara ikasteko bestelako laguntza edo dirulaguntzak eskatzeko aukera izanez gero (Merkataritza Ganbera, HABE...), eskatu egin behar dira.

Onuradunak xede bererako beste dirulaguntza edo laguntzaren bat lortzen badu, udalari jakinarazi beharko dio. Beste laguntza batzuk jaso dituela eta haien zenbatekoa zein den jakin ondoren, udalak emango duen laguntzaren zenbatekoa zehazteko, kontuan hartuko da jaso diren gainerako laguntzekin matrikularen kostuan zer defizit geratu den.

ZAZPIGARRENA. ONURADUNEN BETEBEHARRAK.

Emandako laguntza onartzea eta eskatutako xederako erabiltzea.

— Eskatutako ikastaroa edo ikastaroak egin dituztela egiaztatzea, bai eta laguntza jasotzeko ezarri diren betekizunak eta baldintzak bete dituztela ere.

- Laguntzan eragina duten aldakuntza edo aldaketa guztiak idatziz jakinaraztea.
- Donemiliagako Udaleko organoek, Herri Kontuen Euskal Epaitegiak eta beste erakunde eskudun batzuek eskatzen dituzten argibide guztiak ematea.
- Dirulaguntzei buruzko azaroaren 17ko 38/2003 Lege Orokorrean, dagokion ordenantzan eta Dirulaguntzen Plan Estrategikoan ezarritakoak.

ZORTZIGARRENA. ESKAERAK AZTERTU ETA EBAZTEA.

Euskara zerbitzua ematen duen teknikaria da organo izapidegilea, eta ebazpen proposamenarako beharrezko jotzen dituen jarduera guztiak egingo ditu ofizioz, datuak zehaztu, ezagutu eta egiaztatzeko, horien arabera egin behar baita ebazpen proposamena.

Donemiliagako Udaleko alkatea da dirulaguntzak emateko organo eskuduna; horretarako, justifikazioa aurkeztu behar da, eta, ondoren, osorik ordainduko da emandako dirulaguntza.

Eskaerak gehienez ere hiru hilabeteko epean ebatziko dira, eskaerak aurkezteko epea amaitzen den egunetik aurrera zenbatuta. Epe horretan eskaerak berariaz ebazten ez badira, ezetsizat joko dira.

Ebazpenak administrazio bidea agortuko du eta ebazpenean bertan adieraziko da zer errekurso jar daitezkeen haren aurka. Administrazio Publikoen Administrazio Prozedura Erkidearen urriaren 1eko 39/2015 Legeak 59. artikuluan ezarritakoaren arabera jakinaraziko da ebazpena.

BEDERATZIGARRENA. LAGUNTZA GALTZEA ETA DIRUA ITZULTZEKO PROZEDURA.

Onuradunek laguntza osoa edo zati bat gal dezakete, aurrez espedientea irekita, kasu hauetan:

- Daturen bat faltsutzen badute eskaeran edota eskatutako agirietan.
- Laguntza ez badute erabiltzen hura ematen den xede eta jardueretarako.
- Ezarritako betebeharren bat betetzen ez badute.

Donemiliagako Udalak araututakoaren arabera itzuliko da emandako dirulaguntza.

HAMARGARRENA. ERREKURTSOAK.

Deialdi honen aurka administrazioarekiko auzi errekurtsua aurkeztu ahal izango da zuzenean Vitoria-Gasteizko administrazioarekiko auzietarako epaitegietan, bi hilabeteko epean, ALHAOn argitaratu ondorengo egunetik aurrera, edo, nahi izanez gero, berraztertze errekurtsua, deialdi hau onetsi duen organoari berari, hilabeteko epean, ALHAOn argitaratu ondorengo egunetik aurrera. Azken horren esanbidezko nahiz ustezko ebazpenaren aurka, berriz, administrazioarekiko auzi errekurtsua aurkeztu ahal izango da, Vitoria-Gasteizko administrazioarekiko auzietarako epaitegietan, bi hilabeteko epean, errekurtsua ezesten duen ebazpena jakinarazten den egunaren ondorengotik aurrera, edo, ebazpena ustezkoa bada, sei hilabeteko epean, ustezko ebazpen hori gertatzen den egunaren ondorengotik aurrera.

HAMAIKAGARRENA. BESTE XEDAPEN BATZUK.

Oinarri hauek interpretatzean zalantzarik sortzen bada, Donemiliagako Udalak ebatziko du. Hauek dira aplikatu beharreko oinarritzko arauak: Dirulaguntzen Plan Estrategikoa, dagokion ordenantza, Dirulaguntzen azaroaren 17ko 38/2003 Lege Orokorra eta uztailaren 21eko 887/2006 Errege Dekretua, zeinak onesten baitu Dirulaguntzen azaroaren 17ko 38/2003 Lege Orokorraren arautegia.

Erdoñana, 2026ko irailaren 8a

Alkatea

ERIKA LETAMENDI HURTADO